

## La sedition faicte à Basle.



L'an de nostre salut 1375. Lupold duc aîné d'Autriche delibera de faire carême prenant à Basle. Et comme il s'amusoit à passer le temps avec ses gentilz hommes à courir la lance aux lices qui estoient dressées deuant le grand temple. aucuns de la ville desmeurent sedition contre luy, en sorte qu'il fut cōtreinct de s'enfuyr oultre le Rhein à la pente Basle, laquelle luy auoit este desia mise entre mains par l'euesque. Il y eut trois gentilz hommes & quelques seruiteurs tuez en ceste sedition. Or Pierre de Laufen le premier tribun du peuple suruint là, & estant monté sur la margelle de la fontaine cria à haulte voix que nul ne fut si bardy de passer plus oultre à tuer quelqu'un sur peine de perdre la teste & toutz ses biens, mais bien que les gentz de Duc fussent prins prisonniers, car autrement la cruaulté de ce peuple enrage ne pouuoit estre appaisée. Par ainsi on print Roaul comte de Habsbourg, Henry comte de Tetuangen, vn des comtes de Zollern, Raoul marquis de Hochberg & seigneur de Roetelen, & quelques autres cheualiers gentilzhommes & seruiteurs, lesquelz furent tous constituez prisonniers, & par ce moyen toute ceste tragedie fut bien tost appaisée. Et aucuns des citoyens auteurs de la sedition eurent la teste trenchée par le magistrat deuant le pretoire.

## Le commencement de guerre en-

tre ceulx de Basle &amp; les ducz d'Autriche l'an

de salut 1409.

Les gouuerneurs des ducz d'Autriche, asçauoir Iehā comte de Lupfen gouuerneur de Sunggœu & de Alsace, & Hermā comte de Sultz gouuerneur au nom du duc Frideric du pays de Brisgœu & Ergœu, denoncerent la guerre aux citoyens & habitantz de Basle, & avec eulx plusieurs autres cheualiers & gentilz hommes. Semblablement le seigneur de Verschy vint de Bourgoingne avec compagnie de plusieurs hommes d'armes, & brusla Rodersdorff, Hesingen, Plotzen & quelques autres villages qui estoient à quelques gentz nobles habitantz de Basle Ilz bruslerēt aussi Huningen, Binnigen, Bormingen & Bencken, qui sont lieux voyfins de Basle. Vray est que Louys duc de Baviere s'efforçoit d'appaiser ce discord, mais ce fut en vain. Ceulx de Basle dōc s'appuyāt sur l'ayde de leurs confederez, & principalement des Bernois, monterent de l'autre coste du Rhein, & bruslerent Nollingen, Vuilen, Varenbach & Ouu, qui est viz de Rhinfelden. Finale

den. Finalement s'en allerent contre Ystein enuiron le iour Sainct Martin, & prindrent les deux chasteaux par force. Ilz demolirent vne des tours, & emporterent à la petite Basle les pierres de taille, desquelles ilz bastirent la porte par où on va à Riechen. Vn peu apres les ennemys sortantz de Rheinfelden entrerent sur les terres de ceulx de Basle, ascauoir à Vallenbourg, d'ou ilz emmenerent quel que proye. Mais ceulx de Vuallenbourg & de Liechstal se ioignirent ensemble, & assaillantz leurs ennemys, tuerent bien 80. hommes, & de leur coste ilz en perdirent 26. Ceulx de Basle aussi faysoyent souuent des faillies, & bruslerent beaucoup de villages pres de Hapsen & en Brisgœu, & emmenerent vn burin. Finalement par le moyen de Raoul marquis de Hochperg ceste guerre fut assoupie soubz certaines conditions. Toutes fois à cause de ceste guerre plusieurs fortresses furent depuis destruites, ascauoir Furstenstein, Nouuenstein, Blouuenstein, &c.

## Du concile de Basle.

*Le concile de Basle conferme par Eugene.*

*Le Pape Eugene transporte le concile de Basle à Ferrare.*

*Amy duc de Sauoye esleu Pape ou concile de Basle contre Eugene.*

**L'**An de nostre Seigneur 1431. Eugene estant crée Pape, conferma ce que son predecesseur Martin auoit ordonné, ascauoir que le concile fut celebre à Basle, auquel il auoit ordonné pour legat lulien cardinal de saint Ange, principalement pour extirper soubz l'authorite d'icelluy l'heresie des Hulsites, lequel tint la premiere session le iour sainte Lucie, & tandiz que l'empereur Sigismond y estoit, il n'y auoit rien qui empeschast le cours du concile. Or depuis le Pape fut destrait de diuerses sollicitudes, d'autant qu'il estoit de toutz costez presse de guerres, & d'autre part le concile commence par l'ordonnance du Pape Martin son predecesseur se renforçoit de iour en iour, car de toutz costez venoient des princes de France, Espagne, Germanie & Hongrie, qui remettoient la cause commune de la republicque Chrestienne à la deliberation du concile, & pour ceste cause il taschoit de transferer le concile de Basle à Boloigne. Mais l'empereur & les autres princes & les prelatz qui estoient pour lors à Basle, admonesterent le Pape de venir avec ses Cardinaulx à Basle, lequel lieu le Pape Martin auoit choisy comme idoine pour faire le concile: autrement qu'ilz procederoient contre luy comme contre vn rebelle & contumax. Eugene esmeu de ces propos conferma le concile de Basle par lettres papales. Les Bohemiens y furent appelez, auxquels assurance fut promise, & sur ceste promesse ilz vindrent avec trois cens cheuaulx. Là fut disputé de quelques articles, & principalement de la communion de l'eucharistie soubz les deux especes, de la iurisdiction ciuile, laquelle il disoyent estre deffendue aux clers par la loy diuine: de la predication de la parole de Dieu, laquelle ilz maintenoient estre permise & libre à toutz & en toutz lieux: des delictz publiques, lesquels ilz affermoient n'estre aucunement tolerables. Les Bohemiens aussi proposerent quelques chose des religions des mendians disantz que c'estoyent inuentions diaboliques pource que telles sortes n'estoyent instituées ne par Moyle, ne par les Prophetes, ne par Iesus Christ, ne par les Apostres, & pourtant que le diable les auoit forgées. Ainsi on disputa avec les Bohemiens l'espace de 50. iours, & tascha on par toutz moyens si on les pourroit atraire par amitie, car maintenant on leur proposoit la paix & maintenant on les menaçoit de guerre. Mais ce pendant il y eut aucuns, comme Procope, Iehan Rochezane, Nicolas Galek, & plusieurs autres, qui tascherent de maintenir leur opinions par les escriptures & depuis par armes. Apres cela l'empereur Sigismond mourut. Lors le Pape Eugene voyant que les peres qui estoient à ce concile de Basle, auoyent conspire contre luy, comme cōtre vn homme cruel, sanguinaire et dissipateur des biens de l'eglise, enuoya l'archeuesque de Palerne avec Louys Pontain homme de grand scauoir, lesquels vindrent à Basle pour remonstrer aux peres de se departir de leurs entreprises. & que le concile estoit desia transporté à Ferrare, & qu'eulx n'auoyent plus aucune authorite Papale. Mais non obstant ce transportement les peres qui estoient assemblez à Basle, adiournerent Eugene pour comparoitre au concile, lequel Eugene estoit au parauant nommé Gabriel, & l'an 1439. ilz deposerent le Pape Eugene de la Papaulte, & eslirent Felix cinquieme, qui estoit au parauant appelle Amy duc de Sauoye. Cestuy Amy gouerna la Sauoye apres la mort de son pere pres de 40. ans, & augmenta grandement sa iurisdiction il acquist paix de toutes partz, & estoit redoubtable à toutz à cause des grandes richesses qu'il auoit amassées, & reputé sage